



Centar za zastupanje  
građanskih interesa

Saopštenje za medije

## **Drastičan pad industrijske proizvodnje – rizik od nove recesije**

*- U februaru zabilježen pad od čak 12,8% u odnosu na isti mjesec prošle godine – U privredi 8.500 ljudi ostalo bez posla - Novom tranšom kredita MMF-a zaustaviti pad industrijske proizvodnje -*

(SARAJEVO, 29.03.2012) - Prema najnovijim podacima Agencije za statistiku BiH, u januaru i februaru je došlo do drastičnog pada obima industrijske proizvodnje u BiH. Umjesto očekivanog rasta industrijske proizvodnje, u BiH smo suočeni sa njenim padom, gdje je u januaru 2012. godine zabilježen pad od 7%, u februaru čak 12,8% u odnosu na iste mjesec prošle godine. Indikativno je također da je u protekloj godini, u privredi bez posla ostalo 8.500 ljudi, a od toga najviše u građevinarstvu i prerađivačkoj industriji, dok je istovremeno zaposleno novih 1.500 ljudi u javnom sektoru, čiji se rad finansira državnim novcem.


U ovom trenutku, neophodno je prije svega zaustaviti daljni pad obima industrijske proizvodnje i započeti investicioni ciklus. Predlažemo stoga da se nova tranša kredita MMF-a po *stand by* aranžmanu, ukoliko do njenog plasmana uopšte dođe, investira u podizanje posrnule bh privrede, umjesto u refinansiranje prethodnih tranši i finansiranje tekuće javne potrošnje.

Smatramo da su uštede u budžetima na svim nivoima vlasti u BiH prijeko potrebne i hitne, ali ne samo u smislu ukidanja naknada za rad u komisijama, upravnim i nadzornim odborima, koje bi dovele do izvjesnih ušteta, nego u kompletnoj resistematizaciji postojećih radnih mjesta u organima javne uprave. Ovakva resistematizacija radnih mjesta jedan je od segmenata reforme javne uprave, bez koje će se nastaviti trend postepenog uništavanja svih privrednih grana. Također, smanjenje proizvodnje i otpuštanje radnika u privrednom sektoru, dovest će do smanjenja poreskih priliva, što će za posljedicu imati budžetski deficit na svim nivoima vlasti. Budžetski deficit u ovom trenutku je moguće finansirati samo tuđim novcem čime se BiH dovodi u položaj iz srednje zadužene u položaj prezadužene zemlje, bez ikakvog pozitivnog efekta daljnjeg zaduživanja na životni standard bh građana.





Centar za zastupanje  
građanskih interesa



Za dodatne informacije molimo kontaktirajte saradnicu Zlatu Hadžimuratović, mob br 061 107 656, ili na email: [zлата@cpi.ba](mailto:zлата@cpi.ba).

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.

